

يا ريتني عرفتكم من زمان .. " محاضرة "

#الجمعية_الشرعية_بالمنصورة .. د . حازم شومان

حازم شومان

الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وببيدك الخير كله واليك يرجع الامر كله. لبيك يا ربنا وسعديك والخير كل الخير في يدك. والشر ليس اليك. انا بك واليك. تباركت وتعاليت استغفرت - 00:00:00
واتوب اليك. اللهم صل على النبي محمد وعلى ازواجه امهات المؤمنين وعلى ذريته وال بيتك انك حميد مجيد. اسأل الله سبحانه وتعالى ان يستعملنا ولا يستبدلنا. اللهم يا مقلب القلوب ثبت قلوبنا على دينك. اللهم صرف قلوبنا على طاعتك. اللهم - 00:00:25
ثبتنا على دينك حتى نلقاك. اللهم استعملنا ولا تتولى عنا يا رب العالمين. انك ولي ذلك والقادر عليه. اما بعد. اخواني واحبابي في الله يعني آآ يعني سبحان الله العظيم يعني يا ريتني عرفتكم من زمان. يا ريتني عرفتكم من زمان. ده مش انتم ده انا مش بقولها - 00:00:45

انتم ده ده قصة. يعني يعني دي كانت اخر كلمة اخوانا سمعوها من فتاة من الفتيات قبل ان تموت في اخر مكالمة كانت بينها وبينهم قبل ما ربنا يرزقها حسن الخاتمة. وتموت بعد ما التزمت بخمس ايام بس. بعد ما التزمت - 00:01:05
بخمس ايام بعد ما كانت قبل الخمس ايام دول في مستشفى من المستشفيات بتعمل اجهاض من الزنا. في حين ان يعني زوجها كان في بلد تانية قصة دامية مؤلمة اليمة ولكن سبحان الله العظيم يعني حينما عرفت صحبة صالحة هذه الفتاة اللي كانت ابعد ما تكون عن الدين وعن الالتزام - 00:01:25
بكل معانيه لما عرفت صحبة صالحة خدت بايديها. خدت بايديها لطريق ربنا. خدت بايديها انها تسمع عن ربنا. خدت بايديها انها تبدأ تقف مع نفسها وتفكر في يوم القيامة. وتفكر في لحظة العرض على الله. لما لقت الصحبة ديت بدأت كل حاجة في حياتها تتغير. وماتت - 00:01:45

بعد ايام من التزامها وكان اخر كلمة قالتها في التليفون لهذه الصحبة الصالحة. يا ريتني عرفتكم من زمان. يا ريتني عرفتكم من زمان هو ده الموضوع اللي احنا عايزين نتكلم عنه يا اخواني في الله النهاردة. الاسبوع اللي فات اتكلمنا عن تحفيظ القرآن. فضل منة الله. اللهم لك الحمد يعني. اللهم لك الحمد يعني - 00:02:05

خمسمية وخمسين يعني طلب تحفيز مئات الشباب دلوقتي بفضل ومنة الله. يعني الموضوع اللهم لك الحمد يعني ايه آآ ماشي واخذ مجراه ولكن انا عايز اقول ان تحفيظ القرآن وقفنا اسبوع كامل عشان نتكلم عنه. الموضوع اللي هاكلمكم عنه النهاردة والله العظيم اخطر من تحفيظ القرآن. انا مش عايز اقول لك اخطر - 00:02:25

من قيام الليل. انا مش عايز اقول لك اخطر من اي عبادة هنتكلم عنها. لان من غيره لا هتعبد ولا هتواصل اصلا. ولا هتستمر اصلا. كنت الوقتي مجموعة من الشباب كده في رحلة نيلية كده وواحد يعني يعني يقول ادينا روشة عايز روشة تلتزم بها انا مش عارف اوصل له ازاي. يا ابني انا ممكن اكتب لك الوقتي ثلاث عبادات - 00:02:45

لو عملتهم باذن الله النبي وعدنا ان شاء الله وحيا عن الله انك انت تدخل الجنة، انما انت مش هتستمر من غير ما تتحط وسط الصحبة الصالحة. عشان كده يا اخواني في الله اذا كان التحفيز وقفنا اسبوع فالموضوع بتاع النهاردة ده المفروض يوقفنا اسابيع طويلة لان ده محور من محاور الحياة. انا - 00:03:05

هتكلم النهاردة في موضوع الصحة ليه؟ هتكلم النهاردة في موضوع الورش تحديدا وهنقف وقفة مع مسألة الورش تحديدا ليه؟ لان يا اخواني في الله واحد من شباب كان بيقول لي بيقول لي صاحبه مات فجأة. فهو واقف بقى الشباب بقى والبنات واقفين على القبر بتاعه. وطبعا بقى البنات المكياج بتاعها ساح في الحر ما فيش بقى ما فيش - [00:03:25](#)

خالص والشباب بيقول لي قاعد اسمع الرنات اللي طالعة من الموبايلات. ما دخلوش يصلوا على صاحبهم. قاعد ابص لمنزر السلاسل اللي في في الرقاب والمنظر بيقول انا كل اللي جه في تفكيري ساعتها انا دول هيصلوا علي! هيصلوا علي! هم ما صلوش اصلا على صاحبهم! دول اللي هيقفوا على قبري! دول - [00:03:45](#)

ساعة الموت هيقفوا حواليا يلقتوني لا اله الا الله. بيقول لي انا التزمت عشان فكرة واحدة مين اللي هيصلي عليك؟ مين اللي هيصلي يا اخواني في الله عايزين نفهم قيمة بعض الدرس بتاع النهاردة فايدته ان انت تفهم قيمة الناس اللي حواليك. ان احنا نفهم قيمة - [00:04:05](#)

ان احنا نفهم وانت خارج من الدرس النهاردة ان انت نفسك واحد واحد من اللي حواليك وانت واحدة واحدة من اللي حواليك ازاى نحضن بعض حاولنا نعمل الورش بتاعة نت وبفضل الله ماشية. ورش الشباب ما شاء الله ماشية. ورش النساء هي المرة اللي فاتت. يعني بدأت اللهم لك الحمد. النهاردة احتمال هنبدا كمان ورشة - [00:04:25](#)

اطفال عشان الاطفال اللي بيبجوا الدرس نبدا نعمل لهم بانتمان. انما لو عملنا الورش والناس مش فاهمة ايه فكرة الورش؟ هنستفاد ايه؟ لو عملنا المشروع ده والناس مش فاهمة ان ده اخطر خطوة في حياة اي ملتزم. خطوة الصحة انت لما بتدخل دفعة اول حاجة بتعملها دفعة - [00:04:45](#)

جديدة بتدور على اللي هتصاحبهم. لما بتروح درس خصوصي اول حاجة بتدورها على صاحبهم. لما بتروح شغل جديد اول حاجة بتدورها على صاحبهم. اي واحد مننا يا جماعة في اي مجتمع بيدور على صحة العمر اللي هيصاحبهم فيها. اشمعنى احنا في المسجد مش عارفين نتصاحب على بعض. مش عارفين ندخل في دم بعض. شباب في الجامعة - [00:05:05](#)

اول ما بيتعرفوا على بعض بعد ثلاث تيام بيلعبوا كورة مع بعض ويسافروا مع بعض ويتفسحوا مع بعض ويباتوا طول الليل يزاكروا مع بعض ويتصلوا ويعرفوا كل حاجة عن حياة بعض. احنا ليه بطاء في العلاقة بينا وبين بعض؟ ليه واخدينها في العلاقة بينا وبين بعض؟ اشهر كلب في - [00:05:25](#)

الكرة الارضية الكلب بتاع اهل الكهف. لانه صاحب صحة سالحة. خلت كلب يلفت في القرآن. عدة مرات وتاخذ مئات الحسنات لانك انت افتكرت كلمة الكلب بس بتاع اهل الكهف. لما صاحب صحة سالحة في حين ان ان الكهف نفسه اتحول لجنة - [00:05:45](#)

جنة بسبب الصحة الكهف الموحش الضلعة. اتحول لجنة بسبب الصحة. يعني الدنيا الموحشة. الدنيا اللي كلها هموم. الواقع بتاع مصر اللي ياد ابتلاءات يتحول لجنة لو فيه صحة وفي حين ان الحجر الاسود اللي قاطعة من الجنة اللي لا يضيء ما بين المشرق والمغرب - [00:06:05](#)

المغرب لولا ما حدث من انجاس الجاهلية كما قال النبي صلى الله عليه وسلم انجاس الجاهلية حوله يعني ايه؟ يعني الحجر الاسود ده لقطعة من الجنة لونه اسود بسبب بيئة الفساد اللي اتحط فيها. يعني مهما انت كنت كويس يا اخوانا سيدنا محمد ما - [00:06:25](#)

ترش يدعو ابو طالب عمه ما قدرش ان هو يدعوه ليه؟ عشان صاحب فاسد كان في حياته. صاحب فاسد. كان في حياته. انا مش باقول لك الصحة دي مصباح علماء الدين. مش بقول لك انك لو لقيت صحة هتبقى صديق. انما لو انت عايز توصل لربنا هتقدر توصل. وانت وسط صحة سالحة. عايزين نتكلم النهاردة - [00:06:45](#)

عن اخطر خطوة في حياة اي انسان ملتزم. خطوة الصحة عن اهم خطوة في حياة اي انسان ملتزم. عن اجمل خطوة عن الخطوة اللي هتخلي الحياة بالنسبة لك جنة. ما انساش لما كنت مع اخواني. واحنا طلبة بقى دكتور عبدالرحمن ودكتور غريب ومجموعة من الاخوة اللي بقوا دلوقتي بفضل الله كلهم دعاء الى الله - [00:07:05](#)

لما كنا طلبة كده ونقوم طالعين في الشتا رايعين المصيف نصيف في الشتا بقى والمصيف كله بتاعنا ونعمل معسكر ترفيهي ايماني

ونقوم ليل وننزل بحر وما ننساش الجو ده ابدأ يا جماعة الجنة. حاسين ساعتها ان فعلا جنة الالتزام انك انت تلاقي صحبة. انك تلاقي صحبة وما انساش - 00:07:25

مشهد من المشاهد. الشاب اللي كنت واقف معه. وبعد ثلاث ايام اصحابه لما مات في العربية رموه. رموه اللي كان اللي عصى ربنا عشانه اللي شارب مخدرات عشانهم. اللي ما صلاش عشانهم. لما مات رموه وطلعوا يجروا. شاب اتصل بنا في افتح لي قلبك. بيقول - 00:07:45

انا يعني سبحان الله العظيم بيقول احنا كنا بنشرب مخدرات مع بعض في شقة من الشقق كان بيتصل يعني وضميره مأنبه وعايز يسأل. بيقول صاحبنا واحد من اصحابنا مات وهو قاعد بيشرب مخدرات. بيقول سبناه وطلعنا نجري من الشقة. بيقول ده حرام! ضميرنا يأنبنا! هل ممكن كان يبقى لسة فيه رمق! لو وديناه المستشفى - 00:08:05

انقذوا طبعاً كان لسة في رمق لو ودوه المستشفى ينقزوه. وطبعاً قمة الندالة والاجرام ان صاحبهم يدخل غالباً في غيبوبة والغيبوبة ودي غالباً ما بتقعدش اقل من ساعات. وغالباً كان ممكن ينقزوه لولا اجل الله وقدر الله لودوه المستشفى. انما شف صحبة السوق بتوديه لفين. يعني صاحبهم - 00:08:25

غالباً كان حاسس بهم وهم بيهربوا من الشقة. كان حاسس بهم. حاسس بهم وهم بيهربوا من الشقة. وهم بيسيويه لوحده يموت. وحيد الله اعلم اسى قد ايه على ما مات. بس هي دي الصحبة السوء. عايزين نتكلم النهاردة يا اخوانا عن ان احنا نعرف قيمة صاحب الصالح. قيمة ان احنا نصاحب بعض - 00:08:45

قيمة ان احنا نقبل بعض صحبة العمر بينا وبين بعض. المشهد الاولاني اللي انا عايز ابدأ لكم به. مشهد بصراحة بيهز القلب كل ما الواحد يفكره والواحد مش قادر يتخيل هو فيه كده؟ هو فيه ناس بينها وبين ربنا كده؟ بينها وبين بعض كده؟ هو فيه ناس وصلت من الحب بينها وبين بعض - 00:09:05

لدرجة دي الحديث في البخاري ومسلم يا جماعة. حديث لما مجموعة شلة من الشلل مجموعة من الناس بيقضوا الصراط مع بعض بيعدوا الصراط مع بعض مجموعة تقع ومجموعة تكمل يعني ممكن يكون فينا ناس يا اخوانا اصلوا عبور الصراط ده مش حاجة سهلة كده. يعني مش كل واحد صلى وصام هيعدي من على الصراط - 00:09:25

يعني ناس كانوا مع بعض شلة مع بعض مجموعة مع بعض بيعدوا الصراط مجموعة كملت ببصوا حوالين بعض بعد ما عدوا لقوا فيه مجموعة لقوا صاحبهم وقمع لقوا جزء من فلان وفلان وفلان مش موجودين بيقوا وقعوا في النار. ما هو ما فيش حل تاني. بيقوا وقفوا جهنم. ويحدث مشهد من - 00:09:45

اعجب ما يكون يحدث مشهد يرتجف له القلب. يحدث مشهد يقف له شعر الرأس. يحدث مشهد ترتجف له كل ذرة في جسد الانسان لو كان قلبه حي. بدل ما يجروا على الجنة عدوا من على الصراط خلاص يا جماعة. عدوا من على الصراط. عدوا من - 00:10:05

على جهنم ما عدش فيه ميزان ولا عرض على الله. ما عدش فيه. ما عدش فيه اي مشاكل. ما عدش فيه شفير جهنم. ما عادش خلاص قدامهم غير الجنة. اجروا - 00:10:25

ولا الجنة ابواب الجنة مفتوحة. ويا للمفاجأة! بدل ما يجروا على الجنة! يقفوا ويتوسلوا لربنا ولا هم النبي عليه الصلاة والسلام بيقول فلا هم اشد مناشدة لله بيناشدوا ربنا. عارف - 00:10:35

لما واحد يناشد واحد واقفين يهتفوا بربنا في ارض المحشر. واقفين يستغيثوا في ارض المحشر. واقفين يتوسلوا في ارض المحشر بتوسلو ليه؟ واقفين بيجاروا ليه؟ ناس عدوا من على الصراط خلاص عايزين ايه؟ والجنة قدامهم اهو فلهم اشد مناشدة - 00:10:55

لله فيه اخوانهم من مناشدتك لله في استقصاء الحق. لهم اشد مناشدة لله. واقفين اخويا يا رب. اخويا يا رب. في رواية كيف ننعم. واخواننا في النار. يا رب ندخل الجنة ازاى واخوانا في - 00:11:15

نار يا رب نشرب من انهارها واخوانا يشربوا من الحميم ازاى؟ يا رب نتزوج الحور واخوانا في زنازين جهنم ازاى يا رب نأكل من ثمارها واخوانا بياكلوا من الحنظل ازاى؟ يا رب اجري في نسيم الجنة. واخواني في لفح جهنم ازاى؟ ما اقدر - [00:11:35](#)
ارش يا رب ما اقدرش اخويا يبقى بيتعزب في جهنم وانا في الجنة. انتم متخيلين المشهد يا جماعة! متخيلين الموقف المهيّب الرهيب! متخيلين انسان كان بيقول انا ما اقدرش ادخل الجنة من غير اخويا. اخويا يا رب. اخوانا يا رب. ويحدث امر من اعجب ما يكون. كان متوقع ان - [00:11:55](#)

يعني ربنا ربنا فيحرم الله اجسادهم على النار ويأمرهم ان يدخلوا ليحضروا اخوانهم. يقول لهم ادخلوا جهنم طلّعوا اخواتكم ادخلوا جهنم ويحرم اجسادهم على النار. انا عايزك تتخيل يوم القيامة منظر والله يا جماعة الواحد حاسس ان هو يعني حاجة يرتجف لها الصدر - [00:12:15](#)

بيتخيلها. ربنا قال لك عايز اخوك ايوه عايز اخويا يا رب. ادخل جهنم طلعه. ادخل جهنم! انا ما فرطش غير منها يا رب. ادخل جهنم طبعاً اخوك عايز تطلع اخوك هاته من جهنم. يا رب هو ده صحيح ما فيش حر هيمسني؟ بس يا رب دي جهنم. يا رب ده منزر زنازين - [00:12:35](#)

اما من قمة العذاب اللي في الحياة. يا رب منزر المعلقين في جهنم والمتشاويين. ده احنا اول امبارح كنت في مستشفى الحروق شفت منزر انا خايف بقول الاخ اللي وداني لو شفته انا ممكن اعمل فيه حاجة. الاخ اللي شجعني ان انا ادخل من كتر الالم اللي في قلبي ان انا شفت - [00:12:55](#)

نار الدنيا. امال نار الاخرة شكلها ايه؟ يا رب ادخل جهنم. دور شف اخوك في انهي زنازة من زنازين جهنم. شف اخوك في انهي دار بركة من دركات جهنم. شف اخوك بيتعزب بانهي صنف من اصناف جهنم؟ ادخل هات اخوك واطلع. ويحصل المشهد المهلل يا جماعة - [00:13:15](#)

مش لازم اقول ناس داخله جهنم اختياري عشان يطلعوا اخواتهم من جهنم في حرم الله اجسادهم على النار. طب يا رب كنت طلّعهم لهم. ليه تدخلهم عشان قدام الدنيا كلها؟ قدام العالم كله. ربنا يوري للناس يعني ايه الحب في الله - [00:13:35](#)
يعني ايه الاخوة الحقيقية؟ يعني ايه الصلبة الصالحة؟ يوري للناس. وعشان اهل جهنم كلهم يعضوا على ايديهم ويقطعوا نفسهم من الندم لما يبصوا يلاقوا واحد بيتعزب وسطهم وجاي واحد داخل في النار وسط الزنازة - [00:13:55](#)

يساعدكم ويقول له يا فلان ايه؟ تعال ربنا شفني فيك. ليه؟ عشان كنا صلبة صالحة مع بعض في الدنيا. متخيل كل اهل بيصم ويبصرخم. يا ريتنا صاحبنا صلبة صالحة. يا ريتنا مشينا مع ناس ملتزمة. يا ريتنا صاحبنا ناس عارفة ربنا. لان - [00:14:15](#)
ما فيش واحد دخل جهنم الا بسبب صلبة السوء. ما فيش واحد اتعذب في جهنم الا بسبب صلبة السوء. كل واحد شرب مخدرات بسبب اصحابه كل واحد زنا بسبب اصحابه. كل واحد ضاع بسبب اصحابه. كل كل ملتزم سلبي بسبب اصحابه. اللي صاحب اخوة - [00:14:35](#)

خطف الدعوة بقى نشيط في الدعوة. اللي يصاحب اخوة قوامين الليل بقى قوام الليل. اللي صاحب اخوة طلبة علم بقى طالب علم. يا شباب من جاور السعيد يسعى عايزين نجول السعداء. عايزين المشهد ده يزلزل قلوبنا. ويعرفنا قيمة الصاحب الصالح. صاحب واحد. لو - [00:14:55](#)

من على الصراط يوم القيامة يدخل يجيبك. يشفع لك عند ربنا سبحانه وتعالى. ده مشهد ما يتناسا يا جماعة المشاهد زي مشهد بالظبط اللي اصحابه رموه. يعني شاب كان بيقول كان معه اصحابه طالعين الاسماعيلية يجيبوا مخدرات من - [00:15:15](#)
ما اعرفش اشمعنى الاسماعيلية يعني. ممكن مخدرات هناك زي المانجة كده برضو. طالعين يجيبوا انواع مميزة ولا حاجة. بيقول طالعين الاسماعيلية يجيبوا مخدرات. صاحبهم مات وهو يشرب مخدرات صاحب العربية. سابوه هو طبعاً بيقول لك مات زي ما قلت لكم يا جماعة هو مش مات ولا حاجة. هو خلاص هو بيموت. انما دول لو جروا بقى على مستشفى - [00:15:35](#)
يعني لما ربنا بيقدر لدول نجاة اهلهم بيجروا يلحقوهم. النبي سبحانه الله! شف شف صلبة السوء بتعمل ايه! شف صلبة سوق لا

هتنفعلك لا دنيا ولا اخرة بل اللي اشد من كده. اللي اخطر من كده كان فيه شاب عارفه والله سبحانه الله العظيم. يعني لسه كنا

معديين بالمركب - 00:15:55

بيته كده سبحانه الله العظيم. الشاب دهوت التزم التزم. والشاب ده والله لا انسى وشه وهو منور. هو وشه كان مدور اصلا الفعاليات الكبيرة في المنصورة ووشه منور ورايح المسجد جاي من المسجد كان حياته كلها المسجد. حياته كلها صلاة. جلسة الضحى دي كان لا يمكن تفوت عليه. لا يمكن - 00:16:15

شوفوا غير والمصحف الكبير الضخم في ايديه. سبحانه الله العظيم! وبعد فترة سنة سنتين لقيته افتقدته يعني ما عدتش بشوفه كنت انا ايه مسلا اجي بعد خلصت الضحى من السلاب هو في مسجد تاني جنبه كده الاقيه ايه طالع من المسجد ايه يطلع بعد جلسة ضحى بشوية عمال يصلي الضحى بقى وكده الاقيه طالع بيته ووشه منور وماسك المصحف - 00:16:35

فسألت فلان فين؟ قالوا لي ياه! وقع. وقع ازاى يا جماعة؟ هو اللي زي دول بيقعم! استغفر الله العظيم واتوب اليه! ده كان طلقة يا اخواننا وقع ازاى قالوا لي الشلة القديمة اتراهنت عليه. مين اللي يعرف يشربه مخدرات تاني؟ وواحد نجح انه يشربه مخدرات تاني. حاجة في - 00:16:55

فايتل يعني ما فيش يا بني صاحب السوء ده انت لو عرفت الخطر بتاعه النبي عليه الصلاة والسلام بيرعبك منه بيقول لك ده فيلم رعب. النبي بيقول لك مثل جليس السوء - 00:17:15

نافخ الكير. النبي بيقول لك انت لو شفت صاحب السوء ده اللي شكله وسيم ووجيه وحلو وظريف. وبيضحك وامور وبيأخذ لو شفت حقيقته يوم القيامة في المراب. بيقول لك زي واحد ماسك حديد وماسك نار ويسلطانها على الحديد يسبح الحديد. يعني لسعة واحدة - 00:17:25

واحدة منه ده يا حبيبي ده فرن حديد يا حبيبي. يعني مش لعبة. يعني اللي بيصاحب صحبة سوء ده بيلعب بالنار. بيلعب بالنار مش هيتقدم هيفضل قيد في رجلك ما انتاش عارف تطلع لقدام. صاحب السوء في حياتك. هيفضل او صاحب الغفلة في حياتك. هيفضل قيد في رجلك - 00:17:45

انت مش عارف تتقدم ابدا كنافخ الكير نافخ الكير ده فيه اربع مصايب. النبي عليه الصلاة والسلام بيقول لك ان لم يصبني قسواده لو الهباب الاسود بتاعه مهبطي على اللي قاعد جنبه اصابك من - 00:18:05

اصابك من دخانه. الدخان بتاعه هيخنقك. يبقى الوقت له مصيبتين. ايه هم؟ سواده الهباب تسود اللي بيهبب اللي بيقتعد جنبه ها يبقى الاخ الشاب جاي لك وشه مهبط. مهبط ليه معروف هو مهبط منين؟ يا اما الدخان يخنقك. رواية - 00:18:25

تانية اما ان يحرق ثيابك يولع فيك. ده امتى؟ ده لو وقعت معه في نفس المعصية. لازم تاخذ لك لسعة نار عشان تفوق لازم تاخذ لك لسعة منه عشان تعرف خطورته. اما ان يحرق ثيابك واما ان تجد ريحا خبيثة. واما ان الريح النتنة بتاعة - 00:18:45

نافخ الكير دهو. يبقى النبي قال ان صاحب السوء له اربع مشاكل زي نفخ الكير. ايه هم؟ رقم واحد الدخان بتاعه. رقم اثنين السواد بتاعه اللي هو الهباب. رقم ثلاثة النار. رقم اربعة الرائحة الخبيثة. مش هتسلم من حاجة من الاربعة دول. النار - 00:19:05

لو عصيت ربنا معه. الرائحة الخبيثة دي لو انت ملتزم وكويس وماشي مع واحد مش كويس فطرتك هتتاذى من اللي هو بيعمله. مش هتطيق اللي هو بيعمله ها طيب والدخان هيهت عليك حتى لو ما عصتش ربنا معه. والدخان ده على فكرة اكثر سبب بيسبب الموت مش النار لما واحد بيتحرق - 00:19:25

اكثر سبب بيسبب الموت المبشر للدخان. والغازية والادخنة السامة اللي في الدخان. يعني النبي بيقول لك ده فيلم رعب. ده صاحب السوء ده فيلم رعب. عشان كده يا اخواننا في - 00:19:45

مشاهد مرعبة يوم القيامة. مشاهد. تعالوا نتأمل كده في المشاهد بتاعة اللي صاحبه غلط في الدنيا. يوم القيامة مشهد واحد واقف مجنون يا عيني جنن ربنا يقول لك ويوم يعرض الظالم على يديه يدي يدي يدي في الدنيا اللي ندمان يعرض على صابعه مش على ايديه صابعه ويقول - 00:19:55

اه يا ندوي ويقعد يعدي على صابعه. انما على يديه ده يدخل ايديه جوة بقه ازاي! ده اتجنن يا جماعة! ده واحد جني يوم القيامة. ويوم يا عض! يا عض! ده مضارع! قاعد طول يوم القيامة يعرض على ايديه! يعرض الظالم! فضل مع صحبة السوء لحد ما بقى ظالم! ظالم - 00:20:15

لأنك لما تركب في سفينة غرقانة غرقانة يبقى انت زالم. انت اللي زلمت نفسك. انت اللي عرضت نفسك لعقوبات. انت ما لك؟ انت ازاي تصاحب انسان كان بيعصي ربنا ومقيم على معصية ربنا. تدعوه الى الله؟ اه. انما تأكله وتشربه وتحبه وتروح وتيجي معه. انت بتضيع دينك. ويوم يعرض - 00:20:35

الظالم على يديه قاعد يعرض على ايديه زي المجنون. مجنون فعلا. يقول يا ليتني يقول فعل مضارع عشان الاية تخليك تستشعر مشهد كأنه حي قدام عينيك. يا ليتني اتخذت معا. يا ليتني اتخذت معا. مع دي يعني اصحاب. يا ريتني صاحبت - 00:20:55
الصحة الصالحة يا ليتني اتخذت مع الرسول سبيلا. يا ويلتاه ليتني لم اتخذ فلانا خليلا قيل لقد اضلني ضيعني هو اللي ضيع لي مصيري هو اللي انت انت يا ليتني لم اتخذ فلانا لما واحد واقف يصرخ - 00:21:15
باسم واحد معين. فلان ده هو اللي ضيعني. فلان ده هو اللي دمرني. لما تبدأ تبص على المنزر ده. احد اخواني يعني يوم ما التزم يشرب آآ مخدرات فصاحبه عارف انه التزم قال له انا عازمك على ازازة كودافين. ازازة الكودافين دي وقتها كانت تعادل الوقتي مسلا - 00:21:35

دلوقتي كنت قاعد مسلا سبعميت تمنميت جنيه في الوقت ده في الوقت ده الوقت ده كان من يعني حوالي خمستاشر سنة ولا حاجة ازازة الكولافين دي كانت تعادل الوقتي يعني ممكن اكثر من سبعميت - 00:21:55
جنيه بالتمن بتاعها ساعتها قال له انا عازمك عليها ببلاش. ببلاش! طبعا صاحبنا جري قزازك كده فين يا عم ببلاش! بس ربنا خطف معونة جاه وعماهم اللاتين عن بعض. لا ده شاف ده ولا ده شاف ده لحد ما الليلة عدت وربنا سترها معه. والتزم بفضل ومنة الله سبحانه وتعالى. قضية كبيرة - 00:22:05

شاب بيقول انا الموضوع بدأ معي ان انا عايز انزل القهوة. طب انزل القهوة لان اصحابي فيها. طب انا هانزل القهوة ما ينفعش ان انا ادخن لان السجاير ادمان. هو بيقول لك يعني فكر ازاي؟ بس الشيشة مش ادمان. يبقى انا ممكن اشرب شيشة وابطل شيشة. يبقى انا هانزل اشرب شيشة. نزل اشرب شيشة فلقى ان - 00:22:25

منظره مضحك وسط اصحابه. يعني ساعة يعني انت بتشرب شيشة ما بتشربش سجاير يعني فعشان ما يضحكوش عليه قال خلاص هتزاكي عليهم. انا هاخذ النفس على ايه؟ ها على بقي مش على صدري. فبيقول لك بدأ ياخذ النفس على بوقه. نازل لاصحابه مرة لقوه بيقول له بيقولوا له لو سمحت بقى ايه انت ما حدش ينفع تقعد معنا. قال لهم ليه - 00:22:45
قالوا له انت مضحك علينا شباب القهوة كلها. قال لهم ليه؟ قالوا له لانك انت بتاخذ النفس على بقك مش على صدرك. فانت عاملنا مدحكة القهوة دي كلها. فلو - 00:23:05

يا اما تاخذ النفس على صدرك يا اما ايه ما تقعدش معنا وما تجيب لناش الكلام. فاضطر ياخذ النفس على صدره وقعد ينزل ينزل ينزل. هو متهيأ له ان الموضوع بسيط ده - 00:23:15

بابي انا مش هاعمل حاجة معهم اصلا. انا مش هاعصي ربنا معهم في اي حاجة. انما دول اصحابي اللي انا باحبهم. يا ابني احيانا ربنا بيخيرك، اصحابك فربنا احيانا فعلا سم انا مش باقول لك سبهم للابد. ده احنا يا جماعة لحد ما يبقى عندنا صحبة صالحة. بعد كده ارم لهم طوق النجاة اللي - 00:23:25

ربنا بعته لك. اخواني واحبابي في الله. قضية الصحة ديت قضية من اخطر ما تكون من المشاهد الرهيبة يوم القيامة. وانت معدي من على الصراط وتلاقي واحد جنيه بس اللي في النار ودماغه بتغلي مخه بيغلي. بيغلي ده مين ده ابو طالب؟ ابو طالب عم النبي صلى الله عليه وسلم. عم - 00:23:45

رسول الله صلى الله عليه وسلم انت متخيل ان النبي ما قدرش يدعو عمه بسبب صاحب سوء سابه وجاهد. صاحب سوء واحد

وحش في حياته ما عرفش يعمل له حاجة - 00:24:05

عشان كده ربنا سبحانه وتعالى بيقول واصبر نفسك. هي دي القضية يا جماعة كلمة نفسك دي. اللي انا ملاحظه ان الشباب ممكن يكون يعني ايه ؟ قاعد يبص حواليه كده بيدور على صحبة زي اللي كان مصاحبها زمان بس يكون زراف ولطاف. يعني هو عايز ملتزم بس ملتزم فوتوشينيك. بس - 00:24:15

بس ملتزم يكون ايه؟ ملتزم حلو يعني متكحط وحلو في الدنيا كده زي اللي انا كنت او ملتزم ابوه غني ومدي له عريية او ملتزم ابيضاني وعينيه ملونة وشعره اصفر - 00:24:35

او ملتزم آآ يكون ساكن على المشاية مسلا او ملتزم يكون آآ يعني واد لزيز وزريف وحلو كده وتقعده معه تحس انك ما بتشبعش من قعدتها هو لسة ما عرفش يعني ايه من احب لله. لسة مش عارف يعني ايه الحب في الله. مش الحب في الزرف واللفظ. لسة مقاييسه دنيوية - 00:24:45

مش مقاييس دينية. لسة مش فاهم ان اللي حواليه دول هم صحبة العمر بتوعه. واصبر نفسك. نفسك ديت يعني الموضوع نفسي صعب. صعب. انا متخيل يا جماعة مشهد مصعب ابن عمير وهو داخل دار الارقم اول مرة. ويبص كده ايه ابن مسعود - 00:25:05
الفقير الغلبان دهو بلال العبد انا هبقى مع بلال ابو بكر ده راجل عجوز بالنسبة لي انا صاحب راجل كبير ليه واقعد مع راجل كبير في ورشة ايمانية ليه؟ الارقم ده طفل صغير ده عنده حداثر سنة ولا اتناشر سنة ولا صاحب - 00:25:25

كمان اطفال صغيرين ويبقى جنبي راجل كبير والناحية الثانية صغير قال لا لا لا ابو زرم ابو زر الاعرابي يعني جاي من قرية بقى وغلبان كده والدنيا ما هواش آآ ما هواش بقى ايه يعني آآ عنده شاليه مريء تخيلوا يا جماعة مصعب ابن عمير ده شاب يعني ما دخلش لقي كلهم شباب - 00:25:45

زيهم زيه في نفس سنه زرفاء جدا زيهم زيه. عاملين زي الشلة اللي كان ماشي معها قبل ما يسلم. ما دخلش لقي المنزر ده بس قبل الصحبة دي قابل الصحبة دهيه. قابل ان دول يبقوا صحابه. دي قضية خطيرة جدا. لما النبي بعث لسعيد بن زيد وفاطمة بنت الخطاب بعث لهم واحد يعلمهم - 00:26:05

واحد ادوهم جلسة علمية بعث لهم مين ؟ خباب. خباب! خباب العبد عند ام انمار اللي كانت بتكويه بالنار! خباب! يا رسول الله! طب كنت بعث لي يعني مصعب مسلا يعلمني يعني معدي حد كده ايه خباب وقبل انه خباب هو اللي ببقى ماسك الورشة الايمانية بتاعتهم - 00:26:25

تاخذ باب هو اللي بيوجههم في الدين او خباب هو اللي ايه يعني بيوصل لهم ان النبي عليه الصلاة والسلام قاله. او خباب هو اللي بيعمل معهم انشطة ايمانية وانشطة يا اخوانا ان احنا - 00:26:45

تقبل بعض. هو ده الدرس بتاع الليلة ان احنا نعرف قيمة بعض واصبر نفسك. الموضوع ممكن نفسيا فصعب ولكن هو ده الطريق الوحيد ما فيش بديل. هو خط سير ما فيش له بديل. واصبر نفسك مع مع دي يعني صحبة يعني - 00:26:55
ان ليل نهار مع بعض. يعني نملى حياة بعض. يعني نغطي حياة بعض. يعني في الدنيا والدين مع بعض. مع الذين يدعون ربهم بالغداة والعشي يريدون وجهها. ها مع الناس اللي بتعبد ربنا. سواء بقى هم بقى زراف مش زراف. هم كلهم زراف. بس احنا لسة داخلين المسجد - 00:27:15

المفهوم بتاع الدنيا بالفكر بتاع الدنيا. ولا تعد عينك عنهم. اوعى تشيل عينك من عليهم. اوعى عينك تعتدي وتبص على الدنيا تريد زينة الحياة الدنيا اوعى تبص على لا. اوعى تشيل عينك من على اللي حواليك. كلمات اللي كان واحد بيقولها يعني زمان آآ يقول لك انا باجي الدرس - 00:27:35

عشان ابص في وجوه الاخوة. انا مش باجي الدرس اسمع الدرس. انا باجي ابص في وجوه الناس اللي باحبها في الله. انا باستنى اليوم طب فارغ الصبر عشان الحب اللي بيبقى موجود في الجو اللي بينا. هي دي يا اخوانا. يا جماعة هي دي الحياة. هي دي -

00:27:55

ولا تعد عيناك عنهم تريد زينة الحياة الدنيا. ولا تطع من اغفلنا قلبه عن ذكرنا. اوعى ربنا لما قال له صحبة قال له اصبر نفسك مع الذين يدعون مع الذين مع المجموعة كلها. اتعرف عليهم وادخل في دهمهم وادخلوا في دمك. وادخل في حياتهم ويدخلوا في حياتك. واملوا حياة بعض - [00:28:15](#)

انما لما ربنا حزر من صحبة السوء ما قالش ها آآ ولا تطع الذين اغفلنا قلبهم. قال ولا تطع من اغفلنا قلبه. واحد وحش بس ضيعك. واحد وحش بس. واحد غافل يضيعك. عشان كده انا لاحزت حتى وسط كثير من الملتزمين ان احيانا يبقى صحبتهم لبعض. وهم -

[00:28:35](#)

فكلهم كسالى بتضيعهم. وبتقويهم ان هم يستمروا في الكسل اللي هم فيه. ان احنا يا اخوانا يبقى عندنا همة ايمانية. ونتصاحب على بعض على هذا الموضوع على هذه الائمة الايمانية فتخيل وانت معدي من على الصراط وتلاقي واحد دماغه بتغلي ابو ابو طالب. ابو طالب ضاع بسبب الصحبة - [00:28:55](#)

ابو طالب كان هيسلم وبسبب ابو جهل ضاع مصيره كله بسبب صحبة سيئة. تخيل وده اخف اهل النار عذابا. ما فيش حد في النار الا وهو بالمنزر ده من المشاهد العجيبة جدا. وده مشهد ما بين شلة وبعضها في سورة يونس. ربنا سبحانه وتعالى يقول لك ويوم نحشرهم جميعا - [00:29:15](#)

ويوم نحشرهم جميعا. ثم نقول للذين اشركوا. اسمع بقى الكلمة مكانكم انتم وشركائكم يعني ايه مكانكم ديت؟ ايه مكانك ديت؟ انت عارف لما بوليس ينزل حملة على القهوة فيها مخدرات؟ اول كلمة الزابط بيقولها ايه - [00:29:35](#)

مكانك انت وهو. كل واحد يسبت في مكانه. المسدس متعمر كل واحد يسبت في مكانه. فايه كلمة مكانكم انتم وشركائكم دي؟ يعني ايه؟ الكلمة اللي بعدها تفسرها فزيلنا بينهم. ايه هو التزيين ده بلغة الدنيا بتاعتنا فض الاشتباك. يعني الناس دي كانت مقطعة في - [00:29:55](#)

بعض يوم القيامة يعني لما الملائكة نزلت لها الناس دي كانت مقطعة في بعض يوم القيامة. فتشوف ويوم نحشرهم جميعا ثم نقول للذين اشركوا مكانكم. كل واحد يفصل ايديه عن الثاني. كل واحد يسبت في مكانه. انتم وشركائكم فزيلنا بينهم - [00:30:15](#)

هاتوا دول في ناحية وهاتوا دول في ناحية مقطعين بعض يوم القيامة. هي دي الصحبة؟ الاخلاء يومئذ بعضهم لبعض عدو يعني ما حدش هيسيب الثاني غير وهو في جهنم. ما حدش هيسيب الثاني غير لما يطمئن انه يترمي في جهنم. كأن ده اللي ييفش غله. كأن هذه الاخلاء - [00:30:35](#)

اكثر ناس كانوا قريبين من بعض الاناتيبي بقى بعضهم لبعض عدو الا المتقين. نهاية الشلل اللي في معصية ربنا يا جماعة اية الناس اللي عصوا ربنا مع بعض ايه؟ شف في سورة في سورة قاف ربنا بيقول لك وجاءت سكرة الموت بالحق. ذلك ما كنت منه تحيد. نفخ في - [00:30:55](#)

جاءت كل نفس ما لقد كنت في غفلة من هذا كشفنا عنك غطاءك بصرك اليوم حديد. وقال قرينه هذا ما لدي عتيد ده قرين الملائكة اللي كان بيأمره بالخير لما يشهد عليه يتحكم عليه بالنار. القيه في جهنم كل كفار عنيد مناع للخير معتد مريد. قال - [00:31:15](#)

دينه ربنا ما اطغيته. الاقي القرين ده مين؟ هو ربنا قال القرين الاولاني قرين الملائكة. امال ده قرين صحبة السوء. قال لك ده صاحب السوء بتاع الدنيا هم الاتنين يتسلسلوا مع بعض في سلسلة واحدة ويترموا في جهنم. القيه. هم الاتنين يترموا مع بعض في جهنم والعياذ بالله - [00:31:35](#)

قال قرينه ربنا ما اطغيته. ولكن كان في ضلال بعيد. يا رب انا ما لي بالمعاصي بتاعته. انا ما لي بالعقوبة بتاعته. ده صاحب السوء هم الاتنين اترموا مع بعض في جهنم من المشاهد العجيبة يا جماعة. يوم القيامة مشاهد غريبة جدا. يعني مشاهد تخليك تقف تفكر كده. لما ربنا سبحانه وتعالى - [00:31:55](#)

تقول ادعوا شركاءكم فدعوهم فلم يستجيبوا لهم. لو ورأوا العذاب لو انهم كانوا يهتدون. منزر واحد بيجري مفزوع من صحبة زمان بتاعة الدنيا ومش عايز حد منهم يعرف يجيبه. و مش عايز حد منهم يقدر يعثر عليه. مش عايز حد منهم يقدر يوصل له. سبحان الله

عظيم. شاب التزم من الشباب وكان مع اصحابه يعني من مرتكبي الموبقات بقى والكبائر. اصحابه هيتجننوا. عايزين يوقعوه في الزنا ثاني باي طريقة والانسان لما بيتوب بيبقى ضعيف. بل الانسان لما يببدأ يقوم الليل بيبقى ضعيف ممكن يرجع للنوم ثاني بالليل. يعني يعني منطقة على - 00:32:35

ان الانسان في اي عبادة جديدة بيبقى لسة ضعيف فيها في الاول. فهو قعدوا يستدرجوه طب تعال الشقة وكلمنا في الدين واعمل جابوه الشقة قفلوا عليه مع فتاة زانية وقفلوا الشقة بالمفتاح وطلعوا وهربوا من هذا المكان. حتى اغوته ووقع في الزنا ومات بعد ان زنى بها والعياذ بالله - 00:32:55

مات مات بعد ما انتكس مات بعد يعني طب انت عارف انك انت انسان ضعيف. يا عم ما ترجعش تدعوهم الى الله غير لما بيبقى معك صحبة صالحة. غير لما بيبقى معك ناس تسبتك. ناس تشد من ازرك. يا اخوانا من الايات الخطيرة. وقال الذين كفروا للذين امنوا -

00:33:15

اتبعوا سبيلنا ولنحمل خطاياكم. فيه ناس صحبة السوء ضحكت عليها. ايام النبي عليه الصلاة والسلام كادوا ان يكونوا من اصحاب رسول الله. ابو طالب كان هيبقى صحابي لو كان اسلم. دول كانوا هيقوا صحابة لو كانوا اسلم. انما للاسف الشديد - 00:33:35 الشبكة بتاعة العنكبوت اللي انتسجت حوالهم. الشبكة اللي عملوها حوالهم ضيعوهم والعياذ بالله. دمرهم والعياذ بالله. نهاية الشيلة دي يا جماعة نهاية الشلل دي ايه؟ طب نهاية الصحبة الصالحة ايه؟ نهاية الصحبة بتاعتنا انت عارف من الادعية الخطيرة لما تقف على قبر اخوك - 00:33:55

كده لما يموت اللي انتم صاحبوا بعض في الطاعة في الدنيا وتقول اللهم لا تحرمننا اجره. اللهم لا تحرمني اجره. تخيل ان اللي انت ابته في الطاعة. ربنا يدريك السواب بتاعه اللي في الصحيفة بتاعته. الله! بس يا رب ده كان بيعحب القيام وانا بحب الصيام. ما هو انت لو ما خدتش - 00:34:15

السواب القيام بتاعه انت مش هتبقى معه في الجنة. لانك انت هتبقى في مكان وهو في مكان. وانتم كنتم صحبة في الدنيا فعشان تبقوا صحبة في الآخرة ياخذ سوابك وتأخذ ثوابه. انت متخيل انك لو صاحبت عشرين واحد من اللي قاعدين دول انت كسبت عشرين صحيفة. صحيفة اعمال زيادة عن - 00:34:35

صحيفتك انت متخيل انك لو صاحبت ثلاثين اربعين خمسين على قد ما تقدر تزود مية انت بتضيف ميت صحيفة حسنات لصحيفتك. انت متخيل الصحبة الصالحة دي صفقة قد ايه؟ يا اخوانا لما تتخيل كل واحد من اللي قاعدين دول بالنسبة لك ايه؟ عقلك يتوه - 00:34:55

والله العظيم يا اخوانا الواحد عقله ممكن يطيش. النبي عليه الصلاة والسلام يقول لك قال الله تعالى قال الله تعالى حققت محبته حققت محبتي حق على الله ان يحبك. نفسك ربنا يحبك؟ انتم عارفين وانا بقول الحديث ده انا حاسس بايه؟ ان انا عايز انزل احضن الناس اللي - 00:35:15

القاعدة ده ايه؟ ما هو ربنا بيقول حقل محبتي انا نفسي ربنا يحبني. مش انت نفسك ربنا يحبك؟ ربنا بيقول لك مش هاحبك. بيقول لك حق علي ان احبك - 00:35:35

حققت محبتي للمتحابين في. ياه! يعني ان احنا نحب بعض ده يا جماعة. نبص لبعض بحب كده. نحضن بعض بعد الدرس ونبوس راس بعض ونبوس ايد بعض. اخ مرة قاعدين في قعدة كده زعلان يعني او زعلانين من بعض. فقال لي ابوس - 00:35:45 يعني هو عايز يقول لي انا ممكن ازل نفسي يعني ايه وانا ما عنديش مشكلة. قمت بامدد له ايدي. قلت له بوس. فقام دايس. اه قلت له الثانية لسة ما بوستهاش - 00:36:05

انا قصدي والله العزيم انا ابوس رجليه مش ابوس ايديه. انا عايز اقول له يا عم هو بس ده احنا نبوس ايد بعض للصبح ده احنا ازالة على بعض. ده احنا بندخل الجنة بحبنا لبعض وزلنا لبعض. حققت محبتي للمتحابين في. انتم - 00:36:15

يا جماعة فاهمين الكلام اللي بيتقال ربنا بيقول لك حق علي اني احبك لو انت حبيت اللي حواليك دهم. لو انت خدت اخوك بحضن الحب اللي في قلبك حرارته انتقلت - [00:36:35](#)

وحقت محبتي للمتزاورين في. يا سلام! مين فيكم الاسبوع اللي فات زار اخ لي في الله؟ مين في الورش زار واحد الاسبوع اللي فات من اللي معه في نفس الورشة يرفع ايده كده اه معقولة! حقت محبتي! يعني ده احنا مش بنتكلم مش منزرة اخو - [00:36:45](#)
استقوا في الله فله الف حسنة. وحطت عنه الف خطيئة حطت محبتي وحقت محبتي للمتباذلين في. مين يا جماعة؟ الاسبوع اللي فات ده وفلوس ها مين يا جماعة مين يا اخوانا تعال يا عم تعال حبيبي وابن حبيبي. مين الاسبوع اللي فات يا شباب - [00:37:05](#)
بعث لآخوه رصيد بعشرة جنيه كده حاجة لله كده. آآ والله الاسبوع اللي فات دهوت لقيت شاب بيتصل بي كثير بس انا ما بعرفش ارد اصلا خالص بس بعرف الارقام. لقيته - [00:37:25](#)

قالت لي خمسة جنيه رصيد. فقلت هو باعت لي خمسة جنيه رصيد ليه؟ يعني مشاعر جميلة. صحيح انا ما ردتها لوش لسة. بس يعني ان شاء الله بازن الله هاردها له يعني بازن الله. بس انا - [00:37:35](#)
يعني فكرة غريبة انك انت يعني شف اخوك حقت محبتي وحقت محبتي للمتواصلين في انك انت تمسك المحمول كده وتتصل باخ لك. سافر برة. اخ لك بعد عن الالتزام. اخ لك بيحضر معك في نفس الورشة في نفس الدرس. انت فين يا عم؟ ما شفتكش الاسبوع اللي - [00:37:45](#)

ليه؟ لا لا لا انا هافوت عليك بقى ونيجي مع بعض المرة الجاية حقت محبات يا اخواننا. انت متخيل ان كل واحد من اللي قاعدين دول وكل واحدة من اللي قاعدين - [00:38:05](#)

حواليك انت ممكن تفوز بحب الله به. وفي حديث اخر وجبت محبتي. الله اوجب على نفسه ان يحبك للمتحابين في. المتحابين الناس اللي بيحبوا بعض في الله. في يعني في الله. هي دي بقى اللي انا قلتها لكم في اول الدرس. مش عشان ده غني - [00:38:15](#)
مش عشان ده ظريف. مش عشان ده لطيف. مش عشان ده فوتوشينيك. مش عشان ده بيحبك. مش عشان ده آآ كل ما يشوف حد يدي له ازاة عطر هدية ها مش عشان ده فاهم في الدنيا والفسح والبتاع لأ للمتحابين في. ساعات بلاقي ناس كده - [00:38:35](#)
نفسى اقول لهم يعني حد مسلا يعني ايه يعني ربنا حد ربنا سبحانه وتعالى ربنا مسلا ايه يعني يعني نفعاي به في امر من الامور وانا باحبه. انا نفسي اقول له والله لو انت عملت في هنا برضو باحبك. بس انا مش يعني مش واثق ان هو ممكن - [00:38:55](#)
يصدقني او يفهمني. يا عم والله لو كل اللي انت يعني ربنا ما نفعاي فيه مسلا في امر من الامور بسببك. لو اتقلب العكس انا برضه بحبك. بحبك حسيت انك بتحب. حسيت ان انت آآ يعني الحب في قلبك تجاه حد مش قادر. مش قادر تفرح - [00:39:15](#)
شوفوا كده تدحك اخ من اخوانك بدون اي سبب ما عندوش حاجة يديها لك اصلا. ما فيش حاجة منك بتحب. اما تشوفه تحس انك تضحك كده تفرح وقلبك يتحرك كده. شفتهم الشاب والبنت لما بتقابل عصافير تبدأ تزقزق على طول. ويقوم وهو ضاحك ويقوم هي ضاحكة ها - [00:39:35](#)

خليك معي. اوعى ياه! اوعى ياه! اتقوا الله! ان شاء الله لما تتجوز اول ما تشوف مراتك كانت امي مبوزة وانت مكلضم وهتبقى الدنيا جميلة برضو يعني. ها بتقوم تحس انه ما تعرفش لما تشوف اخوك كده تضحك. يعني انا انا وانا ببص في الدرس - [00:39:55](#)
كده اه لما بتقع عيني مسلا على الرجل ده وانا باحبه اوي. اه ومين كمان؟ يا سلام! الرجل ده انا باحبه برضو مش شرط اشاور بالزبط يعني بس انا فعلا اما باقلب عيني يعني فيه ناس بتقع علي انا باحس ان انا فيه حاجة قلبي بتتحرك لما باشوفه ، باحبه. ما تعرفش انك انت تحب اخوك، ما تعرفش انك - [00:40:15](#)

انت يا ابني النبي عليه الصلاة والسلام بيقول لك ها في اقوام يوم القيامة يغبطهم النبيون والشهداء المرة اللي فاتت في تحفيظ القرآن قلنا مشروع التيجان. مشروع تيجان يوم القيامة. مشروع تاج النور وتاج الكرامة وتاج الوقار يوم القيامة - [00:40:35](#)
مشروع حلة الكرامة يوم القيامة. ايه رأيك في مشروع منابر النور. ويقف نبي نبي جبريل نزل له رسول. سيدنا جبريل نزل له ويبص ويقول ايه؟ ده وصل للي هو فيه ده ازاى؟ شهيد اتقطع - [00:40:55](#)

في سبيل الله والدم بيتفجر بريحة المسك من كل حنة من جسمه. ويص لك كده ويقول يا ريتني مكانك. ليه؟ بالحب يا جماعة بالحب يا شباب. شفتكم ربنا رفع قيمة الحب قد ايه. الناس بتاعة الصلاة والصوم والعبادة والجهد - [00:41:15](#)

جميل هات يا عم في ظل عرش الله. انما بتوع الحب دول حاجة تانية. الناس اللي حلفت تحب عشان ربنا اللي حبت ربنا وحببت في ربنا. يعني كل واحد من اللي حواليك دول. فرصة ان ميت الف نبي - [00:41:35](#)

ما هو عدد الانبياء هو معزم عدد اصعب مية اربعة وعشرين الف نبي ورسول. الرسل كانوا عددهم قليل. قليل جدا. معظم العدد ده انبياء ميت الف نبي يغبطوك على مكانك يوم القيامة بسبب واحد بس من اللي قاعدين. يبقى انت لو خرجت من غير الصحبة دي يبقى لما نقول الورش - [00:41:55](#)

وتلاقي واحد قام خارج لأ اصل انا ورايا عايز اروح آ ادبح له سندوتشين فول من البغل كده واروح يا ابني منابر النور يا ابني قاعدة انت رايح تعمل ايه - [00:42:15](#)

عارف سيدنا ابو ذر ابو هريرة لما نزل السوق يصرخ في الناس انتم قاعدين بتعملوا ايه؟ ميراث رسول الله بيتقسم في المسجد عليه الصلاة والسلام. فالناس حسبت بقى ان في سروات في المسجد طلوعوا يجروا لقوا حلقات علمية. ابو هريرة فين ميراث النبي؟ قال لهم ما دا ميراث النبي عليه الصلاة والسلام. انت رايح بتعمل ايه يا ابني؟ بتعمل ايه؟ ما - [00:42:25](#)

النور واللي يقعد في الورشة وبعد ما يقعد في الورشة يقوم ماشي. بعد الورشة طول الاسبوع لا يتصل باخوانه. وتيجي تكلمه يقول لك اصل ما حدش اتصل بي. يا ابني ما حدش يسألني - [00:42:45](#)

يا ابني اتصل يا ابني املئ حياتهم وخليهم يملوا حياتك. يا اخواننا مشروع الورش ده والله العظيم. انا بعتبره اعظم فتح ربنا فتح به عليك هنا وكل خير وفتح بعد كده هيتفرع عن هذا الامر ان احنا نبقي صحبة نبقي صحبة مع بعض نبقي حبايب حبايب - [00:42:55](#)

حق وحقيقي مع بعض. فيه بيننا طازة. النبي عليه الصلاة والسلام يقول لك على المتحابون بجلال الله على منابر من نور يوم القيامة يغبطهم النبيون والشهداء. منابر من نور حقت محبتي وجبت محبتي - [00:43:15](#)

يغبطهم النبيون والشهداء في ظل عرش الله يوم لا ظل الا ظله. ده كل ده عشان الحب عشان نعرف قيمة بعض يا اخوانا. يا جماعة ما حدش يقدر لوحده. انا قعدت وانا طالب في الكلية مع الشيخ امين الانصاري عشر دقائق - [00:43:35](#)

حسيت ان انا زدت عشر سنين في اول مرة قعدت معه. عرفت يومئذ يعني ايه صحبة؟ عرفت يومئذ يعني ايه صاحب صالح؟ عرفت يومئذ يعني ايه ايه ان في ناس ممكن لما تبقى وسطها تنطلق الى الله بسرعة صاروخية. يعني ان في صحبة صالحة يا اخوانا كنز - [00:43:55](#)

غائب من حياتنا كنز وغائب من ده احنا بنتكلم عن الحب في الله. يعني سواب الازان الاكثر ولا ثواب الحب في الله ثواب الحب في الاكثر صح؟ طيب الحمد لله وكفى صلاة وسلاما على عباده الذين اصطفى - [00:44:15](#)

اما بعد يعني افكرت آ ايام ما عملنا معسكر ايامنا الحلوة واحد واثنين كان الواحد بيشوف عجائب والله يا اخوان. عجائب من اصحاب الشاب يعني كان معسكر امن الحلوة اتنين مية وخمسين شاب لو قعدت معهم كوارس. يعني انا ما اعرفش الشباب يعني ايه يجننوك اصلا من اللي بيعملوه. يعني واحد بيقول - [00:44:35](#)

يعني اصحابه لما بدأ يلتزم بقوا ينفخوا السجاير في وشه عشان يشوقوه لها تاني. ياخدوه ويصوم في العربية واحدة على اليمين وواحد على الشمال. ويقعدوا ينفخوا واحد اصحابه حلقوا له دقنه وهو نايم. غصب عنه بوزها له وهو نايم. واحد كان جاي معنا معسكر ايامنا الحلوة. اصحابه - [00:44:55](#)

سرقوا محفظته وبطاقته وفلوسه عشان ما يعرفش ييجي. فواحد بيقول له هو احنا بنعصي ربنا مع بعض وهندخل النار مع بعض انما انت تدخل الجنة وتسببنا لا. طب الحل ايه؟ تعالوا معي الجنة. لأ انت اللي تيجي معنا النار. طب وده عقلية. يعني احنا بنفكر فيها ازاى - [00:45:15](#)

فيا اخوانا في واحد من كتر طريقة اصحابه عليه بعد ما التزم كان بيحبب الموس ويقعد يشيل في علامة الصلاة عشان ما تباش.

عشان ما تباش من كتر خوفه من السخرية من اللي حواليه. طب ليه يا ابني طب انت ايه اللي زانقك انك انت تفتن نفسك في الدين ده؟ من اخطر الايات اللي تزلزل القلب ده - [00:45:35](#)

شباب ينادونهم الم نكن معكم؟ مش كنا في يوم من الايام معكم ما كملتوش ليه على الصلبة ومشيت وابقى السلامة ليه ؟ يوم ترى المؤمنين والمؤمنات يسعى نورهم بين ايديهم وبايمانهم. كلهم منورين لبعض - [00:45:55](#)

يوم يقول المنافقون والمنافقات للذين امنوا انظرونا نقتبس من نوركم. قيل ارجعوا وراءكم فالتمسوا نورا. فضرب بينهم بسور له باب باطنه فيه الرحمة وظاهره من قبله العذاب ينادونهم الم نكن معكم انتم اللي ما رضاتوش تمشوا مع الصلبة - [00:46:15](#)
في الدنيا النهاردة مش هتمشوا معهم في الاخرة. اللي ممشاش مع الصلبة الصالحة في الدنيا هيتحرم منها يوم القيامة شف بقى هيعدي من على الصراط ازاى. صلبة صالحة. يا بني صاحب ناس تعدي معهم على الصراط. يا ابني صاحب ناس لو وقعت في النار - [00:46:35](#)

عند الله ونخرجوك منها بالشفاعة. ان قبلها الله سبحانه وتعالى. الم نكن معكم؟ قالوا بلى. ولكنكم فتنتم انفسكم وتربصتم خلاص يا عم انت ما كنتش عايز تعطل نفسك عشان اخوانك وعشان هذه الصلبة. يا جماعة الانبياء طلبوا الصلبة. الانبياء طلبوا - [00:46:55](#)
ابو الصلبة الصلبة انبياء الله. سيدنا موسى قال يا رب اشركه في امري. وده من اقوى عزائم البشرية. حد يعرف يعيش من غير صلبة حد يعرف يعيش من غير ما يكون حواليه. صلبة ما حدش يقدر يا جماعة. المهاجرين والانصار علاقة مهولة. مهاجرين تلتاشر سنة بيتربوا على ايد النبي - [00:47:15](#)

في سنة واحدة الانصار بقوا في مستوى المهاجرين. بل من الانصار من فاق المهاجرين. زي سعد بن معاذ يهتز له عرش الرحمن اسلم على ايد مصعب ومصعب لا يهتز له عرش الرحمن. انت متخيل! انت متخيل المنظر ده! عبدالله بن سلام عاشر عشرة في الجنة - [00:47:35](#)

من الاوائل على البشرية في الجنة. والمهاجرين اللي اسلم على ايديهم ممكن ما هماش منهم ناس مش بنفس المقام ومش بنفس الدرجة. يعني انا عايز اقول لك ان اه ان الصلبة شف الصلبة عملت ايه. عشان كده يا جماعة لما نيجي نقعد بقى الوقتي بازن الله سبحانه وتعالى يعني من غير ما اه ما نبدأ اه يعني - [00:47:55](#)

نكمل كل الكلام او مش لازم نقول كل الكلام. اخواني في الله. احنا الوقتي ان شاء الله بعد الدرس هنبدا الورش. النهاردة ان شاء الله احنا بدأنا اول حاجة بورش الرجال. صح؟ مزبوط - [00:48:15](#)

فضل منة الله انا شايف سمار ديت. شايف سمار دي في اخوة بدأوا يشتغلوا في الدعوة لاول مرة. اخوة بدأوا يقوموا الليل. اخوة بدأوا يطلبوا علم. فضلوا منة الله سبحانه وتعالى - [00:48:25](#)

في يعني علاقات عظيمة بدأت تنشأ ما بين الشباب وبعض. ما بين الناس وبعضها. احنا عايزين كل الورش تبقى في قمة الحميمية في في عمل الصلاة. يا شباب انا باقول لكم جميعا مشروع الورش هدفه ان احنا نملى حياة بعض بالصلبة الصالحة طول الاسبوع - [00:48:35](#)

ده الهدف يا ابني مش الهدف ان احنا نقعد نص ساعة ولا ساعة مع بعض بعد الدرس. النص ساعة والساعة ديت ده دي منطلق للاسبوع كله. ده احنا عايزين نملى حياة بعض. نقبل بعض يا جماعة. نفرح ببعض يا اخوانا. والشاب اللي بيخرج ويسيب الورشة ليه؟ عشان ايه؟ نستغنى - [00:48:55](#)

عن الصلبة ازاى ؟ مستغني عن صلبة ناس في المسجد، متحمسين وسخنين وعايزين يعبدوا ويطلبوا علم ويشتغلوا في الدعوة، هتجيبها منين ثاني ؟ عشان انت مسلا كبير في السن عنهم شوية يا عمي ارضى. يا عم ارضى. انا معظم اصحابي واصدقائي اصغر مني في السن بكثير - [00:49:15](#)

ولكن انا فرحان فضل ومنة الله. المهم انها صلبة صالحة. النبي كان عنده كم سنة وكل اصحابه؟ النبي كان عنده اربعين سنة والارقم كان عنده حذاش اتناشر سنة يا جماعة. ومصحف - [00:49:35](#)

كان عنده كم سنة يعني؟ ممكن ما جاش عشرين سنة. ومع ذلك النبي دول بقوا اصحابه. عليه الصلاة والسلام، انتم اصحابي. النبي، عليه الصلاة والسلام، ان احنا نقبل بعض. لما تلاقي في الورشة معك واحد كبير افرح به. واحد اصغر منك افرح به. انت يا راجل بقى لك اربع سنين ولا خمس سنين بتطلب علم ولقيت ناس - [00:49:45](#)

يا عم صاحبهم وعلمهم اللي ربنا علمه لك. فيدوا بعض ادخلوا في دم بعض. بدأنا الاسبوع اللي فات ورش النساء بفضل ومنة الله سبحانه وتعالى. وهتبقى ورش النساء المرة دي - [00:50:05](#)

معظم الشباب معظم الاخوة اللي جايب مراته واللي جايب اخته واللي جايب بنته يقوم خارج بعد الدرس واخذ الاخت من برة. يبقى هو لا حضر الورشة اللي فوق ولا سابها تحضر تحت - [00:50:15](#)

طب ما تقعد تحضر انت فوق السوق تحضر تحت! يعني الاخت اللي بتمشي خلاص هي الورش ممكن تاخذ نص ساعة بازن الله. ولكن تستفيدي صحبة سليمة صحبة على عبادة الله وطاعة الله. تروحوا مع بعض التحفيز. المفروض ان الاخوات التحفيز ان شاء الله غالبا هيتصل بهم الاسبوع ده بقى بازن الله. شباب كلهم اتصل - [00:50:25](#)

يعني حوالي الخمسميت شاب اتصل بهم الاسبوع اللي فات. هنتكلم عن التحفيز ولكن دلوقتي انا بتكلم على الورش. الورش النسائي. الورش اللي على النت. المفروض انهم يملوا حياة بعض يسمعو دروس - [00:50:45](#)

مع بعض يحفظوا القرآن مع بعض يعملوا كل حاجة مع بعض. النهاردة هنبدا النوع الرابع من الورش. ايه النوع الرابع؟ ما هو فيه رجالة وفيه ستات النوع الثالث بقى ابوة انتم ناصحين اهو الاطفال بازن الله ان شاء الله بازن الله. النهاردة هنبدا جزاك الله خيرا. النهاردة هنبدا - [00:50:55](#)

فرشة اطفال بازن الله عشان نعمل احنا فوجئنا ان في اطفال المرة اللي فاتت في التحفيز ما شاء الله ناس سبعين سنة ومقدمين آآ ومقدمين ما شاء الله لا قوة - [00:51:15](#)

الا بالله على التحفيز. ولقينا مجموعة اطفال لما اتصنفت بقى على حسب السن. مجموعة اطفال مش قليلة. مقدمة بفضل الله في التحفيز. قلنا خلاص نعمل لهم ورشة اهي ها هيمسكها عم فؤاد بقى ان شاء الله. هنعمل لهم ورشة هنا ان شاء الله بازن الله. وآآ يعني نجيب لهم بقى لمباضة ونبسطةم كده ونفرحهم كده بازن الله - [00:51:25](#)

ونبدأ نعمل لهم بائتمان ونعرفهم على بعض. ما تعرفش. ممكن دول يببقوا صحبة بعض بكرة. فيا اخواني في الله درس النهاردة وقفة مع قيمة الصلاة الصحبة الصالحة مشروع الورش ده. كلمة الورش دي كلمة ميكانيكية. يعني كلمة عملية. انما المشروع ده اسمه مشروع. مشروع الصحبة الصالحة - [00:51:45](#)

مشروع توفير الصحبة الصالحة. عارفين يعني ايه الصحبة الصالحة؟ الشاب عشان يكلم بنات بيعمل ايه؟ يروح يا عيني يتلطف في شارع كلية اداب ولا في شارع من الشوارع ديت ويفضل يا عيني يتزل ويلಾಗಿ في اللي رايحة واللي جاية. وبعد كده يا عيني يقعد يصبر والصبر يعني يوديه مش عارف - [00:52:05](#)

وبعد كده يتلطم فاحنا قلنا طب الشاب عشان يتعرف على اصحابه من حوالي ست شهور يا جماعة كان في الدرس ده كنت بقول للشباب ايه؟ بقول لهم صاحبوا يا شباب انت مش - [00:52:25](#)

صاحب الجاي ازاى؟ يا ابني اعمل زي الشاب اللي نزل على القهوة. رح احضر في اي تحفيز. ولا في اي بتاعة. ودور على الناس اللي هناك. وابدأ لاغيهم نتعرف على واحد ولو اتعرفت على واحدة ما عدناش بنقول لك رح دور على تحفيز ورح دور على صحبة في التحفيز. ده احنا عاملين - [00:52:35](#)

الصحبة وعاملين لك التحفيز. يعني يعني مش ممكن. يعني خلاص عايز ايه؟ وكل شوية ان شاء الله في مشروع جديد ومكون جديد من مكونات بيئة الايمان بازن الله سبحانه وتعالى نفهم قيمة الورش بازن الله. ونفهم ثمرة الورش وواحد قاعدين يبقى كلنا -

[00:52:55](#)

مسؤولين مسؤولية ايجابية مش بس مسؤولي الورشة. مش بس الاخ اللي مسؤول عن الورشة. يبقى كل مسؤول ان المجموع الشلة

الاسلامية دي تنجح. ان ان الاسرة المسلمة دي تنجح ان الجروب الاسلامية دي تنجح. ان الورشة الدينية دي تنجح ان احنا -

[00:53:15](#)

طبعا النهاردة الورش بالويندوز والهريسة. فمش محتاجين يعني ايه؟ للاسف انا لو اعرف انها ويندوز وهريسة ما كنتش عملت الدرس عن الورش اصلا لان خلاص هو كنا هنطلع الهريسة والناس هتتعد لوحدها. يعني كنا شفنا موضوع ثاني وفرناه لان قائمة الاعمال اللي

[00:53:35](#) انا عايز اتكلم عليها زحمة جدا يا جماعة. زحمة جدا عايزة -

اتكلم في الاسماء الحسنی وننطلق فيها زي ما بدأنا بازن الله. وعايز اتكلم في مواضيع عملية بقى. ما هو بيئة الايمان اتكونت اهي

[00:53:55](#) بفضل الله والورش. الاسر الالتزامية. عايز اتكلم بقى -

في الاعمال اللي هتعملوها مع بعض طول الاسبوع. عايز اتكلم في حاجات كتير. ولكن ان شاء الله بازن الله آآ اللي كان حاضر معنا

[00:54:05](#) النهاردة يا جماعة في خطبة الجمعة مين؟ اللي كان حاضر لي -

في خطبة الجمعة اه عدد قليل جدا برضه بالنسبة يعني لان النهاردة بصراحة كان موضوع مهم جدا فغالبا احاول ان انا بقى ايه افصل

فيه ان شاء الله وبازن الله في مرة من المرات الجاية اللي هي مراحل الستة للاحتضار لان ايه يعني فانا كنت عايز اشوف يعني

[00:54:15](#) الموضوع شكله ايه. طيب الحاجة الثانية يا شباب موضوع -

التحفيز فضل ومنة الله اللي قدم المرء الاسبوع اللي فات من الشباب ربعية وتمانين شاب. يعني حوالي خمسميت شاب. ده طبعا

[00:54:35](#) رقم قياسي اللي كسفنا ويعني وخلي وشنا مش يعني في الارض. وخالنا مش عارفين يعني نوذي وشنا فين مين. النساء -

ليه بقى؟ الاد من النساء كان عدد يعني اعتقد ان هو ما يجيبش المية. يعني ما جابش المية. فطبعا ده يعني احنا متعودين ان النساء

[00:54:55](#) هم اللي بيسمعوا الرجالة -

كل حاجة والنساء هم الاوائل في كل حاجة. فلما الرجالة تسبق النساء بالمنز ده يعني حاجة مخزية. غير ان المرة اللي فاتت من

[00:55:05](#) الحاجات اللي اسعدتنا ان اللي قدمهم في التحفيز -

ما شاء الله تلاقي مسلا جراح في الجامعة وتلاقي مسلا آآ شاب ما شاء الله وكتاب الله ربنا رزقه مسلا مهنة آآ مهنة النجارة او مهنة

[00:55:15](#) الكهرباء او مهنة يعني قلنا للشباب -

ما شاء الله! ده انتم هتتجوزوا ببلاش! ده احنا هنهيص مع بعض! اي حاجة بعد كده عند اي حد مننا ببلاش يا رجالة ان شاء الله!

[00:55:25](#) فكانت حاجة جميلة! ناس فوق السبعين! وناس تحت عشر -

سنين شباب يعني ما شاء الله لا قوة الا بالله اللي قدموا كانوا فعلا حاجة تفرح. ان فعلا بيئة ايمان حقيقية لجميع الاعمار لجميع

الانواع لملتحين وشباب لاول مرة كان فيه ناس خاتمين. اكتشفنا في التحفيز اصوات تحفة. ما شاء الله لا قوة الا بالله! اصوات في

[00:55:35](#) غاية الجمال -

شفنا في التحفيز شباب خاتم. يعني ده ان شاء الله بازن الله شوية صغيرين يدخل في نزام المراجعة بتاعه بازن الله ويبدأ يبقى من

اللي ماسكين التحفيز اصلا بازن الله سبحانه وتعالى اكتشفنا في التحفيز مواهب. اكتشفنا في التحفيز علاقات وصحوبات. فضل

[00:55:55](#) ومنة الله. يعني زي ما حلمنا ان احنا مش نعمل تحفيز -

ان احنا نعمل بيئة ايمان من خلال التحفيز. مكانها مسجد الصديق المرة دي يا شباب اللي ما قدمش المرة اللي فاتت بيدو استثمارة

النهاردة في استثمارات يا دكتور محمد. معكم استثمارات هتوزعوها في الورش. خلاص هيوزعوا استثمارات بعد للي عايز طبعا للي ما

[00:56:15](#) رجعش المرة اللي فاتت فضل ومنة -

كتاب تفيز بادى بداية قوية. الاخوات هيتوزع عليهم برضو استثمارات للي ما قدموش. بازن الله سبحانه وتعالى طبعا يعني مهم جدا يا

[00:56:35](#) جماعة ان شاء الله بازن الله. مهم جدا -

بازن الله سبحانه وتعالى آآ يعني ربنا يبارك فيكم وربنا يسدكم. اتكلمنا في الورش. واتكلمنا في التحفيز هو مش كان فيه ورق هنا

[00:56:45](#) كلمنا في الورش واتكلمنا في التحفيز آآ اخوانا -

وطبعا آآ يعني عارضين اخوانكم آآ يعني على انت عاملين مشروع صحح تلاوتك. آآ قناة على اليوتيوب اسمها صحح تلاوتك صفحة على الفيسبوك اسمها صفحة تلاوتك. اللي عايز يصحح تلاوته. اللي عايز يسجل مقاطعه وما يرجعها له. يدخل يكتب كلمة صح كدهوتك على اليوتيوب او على الفيسبوك - [00:57:05](#)

وهم يتابعوه وان شاء الله بوجه رسالة لاخوانا على ورش النت. لادارة ورش النت ان ان شاء الله مشروع تحفيز المحطات السبعة لحفظ وتجويد القرآن. عايزين على النت باذن الله. دلوقتي فيه ناس جايبة مصاحف ان شاء الله بازن الله هتوزع بالثمن طبعا. ولكن هنوزعها من خلال الورش توفيراً للوقت بتاع الدرس ان شاء - [00:57:25](#)

يعني انا بعد بعد الدرس ان شاء الله الف على الورش بقى اقدم كل ورشة مجموعة من المصاحف عشان الاخ اللي ماسك الورشة يعملها. اخوانكم في مسجد البدر. عارفين مسجد البدر؟ مسجد اللي في سامية الجمل اللي هو جنب بيتي على طول. عارفين بيتي؟ كويس انكم مش عارفين بيتي. خلينا في - [00:57:45](#)

خلينا في مسجد البدر. مسجد البدر اللي في سامية الجمل شارع سامية الجمل. اعتقد ان معزمكم عارفه يعني. ان شاء الله بازن الله عامل اسبوع هيبداً من اول الجمعة. الجمعة دي اللي هي ايه - [00:58:05](#) النهاردة اربعة اربعة. ده النهاردة العشاء هيبداً من اول النهاردة العشاء هيبداً بدكتور غريب. الاسبوع ده فيه الشيخ مصطفى العدوي. اسبوع اسبوع ده فيه الشيخ علي لقم. الشيخ عادل لطفي - [00:58:15](#)

الشيخ طارق سعد الشيخ عادل القلاوي الشيخ عادل شوشة الشيخ محمد بسيوني يعني ما شاء الله اسبوع تقيل وميتين. الموضوع بتاعته طيبة جدا. آآ باذن الله سبحانه وتعالى الشيخ مصطفى العدوي يوم الاربع العشاء كله هيبداً العشاء. فاللي عايز يعني يستفيد بازن الله. ومسجد البدر طبعا من البيئات الايمانية اللي موجودة اللي فيها خير كبير - [00:58:25](#) بازن الله اخيرا اخوكم بيدعوكم للتبرع بفصيلة دم او سالب لحالة حرجة. واخوكم بيدعوكم للتبرع بفصيلة سالب الاخ بقى اللي جايب لي الورقة بتاعة اوسانب يبقى عند المنبر بعد صلاة العشاء مباشرة ان شاء الله بازن الله. عشان الناس ما تدورش عليه. اللي يستطيع - [00:58:45](#)

التبرع بفصيلة اوه سالب يا اخواني لوجه الله ان شاء الله لحالة حرجة. اسأل الله سبحانه وتعالى اللهم الف بين قلوبنا. اللهم الف بين قلوبنا. اللهم املاً قلوبنا حبا لبعضنا فيك يا رب العالمين. اللهم انا نسألك حبك وحب من يحبك وحب عمل - [00:59:05](#) يقربنا الى حبك وحب من ينفعنا حبه عندك. يا رب. اللهم ارزقنا الاخوة الصديقة فيك اللهم ارزقنا الحب الصادق فيك. اللهم الف بين قلوبنا. اللهم اجمع كلمتنا على اتقى قلب رجل منا. يا - [00:59:25](#)

يا رب اللهم اجمع امرنا على ما يرضيك. يا رب. اللهم انا نتقرب اليك بالاخوة. اللهم انا نتقرب قريبا اليك بان نحب بعضنا وان نزور بعضنا وان نبذل لبعضنا وان نتواصل مع بعضنا وان نتعارف مع - [00:59:45](#) بعضنا وان نتعاون مع بعضنا. اللهم اجعلها قرينة لك يا رب. اللهم ارض عنا بهذا العمل يا رب اللهم ارض عنا باجتماعنا فيك يا رب. اللهم ارض عنا باجتماعنا على رضاك يا رب. اللهم انا اجتمعنا على ابتغاء مرضك - [01:00:05](#)

اللهم يسر لنا سبيلنا اليك. يا رب لن يوصلنا اليك اياك. لو اجتمعنا مع قاضنا على ان نصل اليك لن نصل الا ان توصلنا يا رب. يا رب صلنا اليك. يا رب يسر لنا امر ديننا ودينانا - [01:00:25](#) كان يا رب افتح لنا سبل الوصول اليك يا رب اشرح لنا صدورنا ويسر لنا امورنا اللهم انا نستغيث بك يا صمد. اللهم انا نلجأ اليك يا صمد. اللهم يا ربنا اللهم - [01:00:45](#)

يا ربنا ارزقنا بيئة ايمان نعبدك فيها وندعو اليك منها ونطلب العلم فيها ونصل اليك شبيهة يا رب من علينا ببيئة ايمان يا رب. يا رب ان اهل الفساد يتعاونون ويجتمعون ليهلكوا - [01:01:05](#) شباب هذه الامة اللهم انا اللهم انا نريد ان نأخذ بايدي بعضنا لنصل اليك ولنرضيك ولترضى عنا ولنتعلم دينك. اللهم يسر لنا يا رب. اللهم بارك لنا في اخوتنا - [01:01:25](#)

اللهم بارك لنا في اخوتنا. اللهم املأ قلوبنا حبا لبعضنا فيك يا رب. اللهم املأ قلوبنا حبا بعضنا فيك يا رب. اللهم حببنا في بعضنا. على طاعتك وابتغاء مرضاتك. يسر لنا سبيلنا اليك. لا نهلك وانت - 01:01:45

لا نضل وانت هاديننا. لا نضيع وانت مولانا. يا رب. انقذ اخواننا واخواتنا يا رب يا رب يا رب ان غالبهم يعبدونك على حرف. ان غالبهم يعبدونك فرادى. اللهم اجمع صفنا - 01:02:05

اللهم اللهم ارزقنا ان نفهم قيمة بعضنا. اللهم ارزقنا الصحبة الصالحة التي توصل بك الى الفردوس الاعلى يا رب. يا رب يا رب من علينا يا رب. يا رب اهدنا يا رب. يا رب ارشدنا يا رب - 01:02:25

يا رب ان بحر الفتن يتلاطم من حولنا. وان لم تغثنا فمن يغثنا. وان لم تنقذنا فمن ينقذنا وان لم تأخذ بأيدينا نغرق ونضيع يا رب. ربنا ظلمنا انفسنا. وان لم تغفر لنا وترحمنا لنكونن من - 01:02:45

قاصرين يا رب يا ارحم الراحمين. ليس لنا الا كفا اغثنا اغثنا بالايه ايمان اغثنا بالقرآن اغثنا بالصحبة الصالحة. اغثنا بالعلم النافع. اغثنا بان تطلق اتنا في الدعوة اليك ، اغثنا واصلح لنا قلوبنا، اغثنا وزكي لنا نفوسنا، اغثنا واهد احبابنا - 01:03:05

انما اهدي شباب الامة يا رب. اهدي نساء الامة يا رب. اهدنا جميعا يا رب. اهد اخواننا واخواتنا الشباب والفتيات. اهدي الرجال والنساء. اهدي اطفال هذه الامة يا رب. يا رب. اللهم انا نجاهد فيك - 01:03:35

اللهم افتح لنا سبلك. اللهم كن معنا. اللهم ايدنا. اللهم اعنا. اللهم افتح لنا اللهم انصرنا. اللهم سبتنا. اللهم وفقنا. اللهم ارشدنا. انت حسبنا ونعم قام الوكيل انت حسبنا ونعم الوكيل. سبحانك اللهم وبحمدك اشهد ان لا اله الا انت استغفرك واتوب اليك - 01:03:55

- 01:04:25